

60 peserta sertai Kembara Berbasikal UMS-KAL 2012

UM 19.09.2012 26

LABUAN 18 Sept. - Seramai 60 peserta telah menyertai program Kembara Berbasikal dan Bermotor sempena Hari Malaysia 2012 anjuran Universiti Malaysia Sabah, Kampus Antarabangsa Labuan (UMS-KAL), baru-baru ini.

Mereka terdiri daripada 25 pelajar UMS-KAL yang mengayuh basikal dan 15 peserta motosikal kuasa besar manakala peserta selebihnya menunggang motosikal 'kapcai'.

Peserta mengelilingi Pulau Labuan kira-kira 20 kilometer (km) dengan melalui beberapa jalan utama dan kampung untuk mengedarkan bendera Jalur Gemilang dan risalah Hari Malaysia.

Majlis perasmian dan pelepasan peserta disempurnakan Ahli Parlimen Labuan, Datuk Yusof Mahal.

Hadir sama, Ahli Dewan Negara, Senator Datuk Yunus Kurus, Pengarah UMS-KAL, Prof. Madya Dr. Ismail Ali, Dekan Sekolah Perniagaan, Kewangan Antarabangsa Labuan (SPKAL), Prof. Madya Dr. Syed Nasirin Zainul Abidin dan Pegawai Belia dan Sukan UMS-KAL, Gabriel Moinjil.

Yusof berkata, beliau mengalu-alukan inisiatif UMS-KAL menganjurkan program itu untuk memeriahkan sambutan Hari Malaysia peringkat Wilayah Persekutuan Labuan.

Katanya, golongan pelajar wajar



YUSOF Mahal (dua dari kiri) melepaskan peserta program Kembara Berbasikal dan Bermotor anjuran UMS-KAL di Labuan, baru-baru ini.

didedahkan dengan program murni itu yang mampu meningkatkan ke cintaan mereka terhadap negara termasuk menghormati Jalur Gemilang.

"Melalui kembara itu juga, pelajar dapat mengenali serba sedikit beberapa jalan dan kampung yang dikunjungi serta beramah mesra

dengan warga Labuan," katanya.

Sementara itu, Dr. Ismail berkata, program kembara itu dapat menghindarkan pelajar daripada melakukan perbuatan yang kurang sihat.

"Selain menyihatkan badan dengan mengayuh basikal, program itu dapat mendisiplin pelajar te-

rutama mematuhi peraturan jalan raya," ujarnya.

Katanya, pihak UMS-KAL sentiasa menyokong dan menggalakkan pelajar menyertai program seperti itu kerana ia mampu merapatkan hubungan dengan jabatan dan agensi kerajaan.